

andando a terra

CARTA DE MANUEL HORTAS VILANOVA O SEU AMIGO MANUEL MARIA ENCOL DOS SUCECOS DAS FESTAS PATRONALES DE MONFORTE DE LEMOS.

Meu querido amigo: como sabes, a miña curiosidade levoume dendo o 10 ó 17 de agosto, a cidade de Monforte de Lemos. Tiña desexos, de dar unha volta pola "Librería Xistral" e de falar con Saleta e contigo, visita que fago cando vou a ese "Monte—fue te coronado de torres convencinas de los cielos". Despois de falar con vós, subín ó monte de San Vicente do Pino, visitei o Colexio da Compañía, onde está o retablo de Moure e dous cadros do Greco, e logo fun papar os meus vixñños ás labernas de sempre: o Carrazúa, o Blusas, o Tea de Araña... Tiña un interés especial en escoitar o discurso que o Amigo Felipe

Serén iba pronunciar nos xogos florales. Non foi posible. Alí formouse un lío de moito nabizo. Cando o Felipe Senén non levaba falando tres minutos, alporizouse parte da xente que o estaba escoitando e que eran os aspirantes a señoritos da cidade. O Presidente da Comisión de Festas arramploulle o micrófono, nun acto totalitario, irracional e do máis puro estilo fascista. É inconcebible que existan aínda estes inquisidores poqueniños e anacrónicos, que intentan nada contra as correntes da Historia. Gardas viviles do reaccionarismo máis cavemicola.

Os sucesos da Pista Municipal de Xardín son tamén inesplicables. Coido moi lóxico que a xente protestara pola discriminación que supón ter unha pista pechada, cuxa entrada se cubraba e onde actuaban as mellores atraccións, mesmo ó pé do lugar onde se celebraba a verbena popular. O que non comprendo, por moito que matino, é que c

de alcalde —un de UCD e outro de CD— mandaran intervir ós FOP.

Esto demostra que as autoridades municipais están a facer unha represión aínda máis forte ca nos anos do franquismo e que eses señores están contra o pobo que os elixiu. O normal sería que o señor alcalde e os señores tenentes de alcalde —que se quedaron só en tenentes— dialogaran coa xente que alí estaba e se arranxara o asunto dun xeito vivificado. Pra eso compría que os que estaban dacordo coa pista elixiran unha Comisión. E que esta comisión dialogara cos señores ediles. No caso de que os FOP actuaran por si ante si —está demostrado que as mandau actuar o alcalde asesorado polos dous tenentes— o deber dos esidores monfortinos era impedir, como fora, que as FOP actuaran contra o pobo. O resultado é ben conocido: un morto e unhos quince feridos.

Como había que buscar un responsable desta barbaridade,

baseada nun totalitarismo irracional, botouse a culpa ó BN-PG, que é a única forza política que defende ás clases populares e os seus intereses. E todos os ataques, querido Manuel María, se dirixiron contra Saleta e contra ti, coma se vós forades o BN-PG. A dereita cando ataca non para en medias, pois ten moi ben experimentados os métodos do nazismo. A extrema dereita pediu— mellor dito, intentou pedir— a vosa espulsión de Monforte de Lemos. Eso é puro racismo. Xa non che digo nada das cartas e chamadas telefónicas anónimas.

Coido que non lles debes dar importancia. Normalmente son enfermos —aínda que dereitistas— que, ademais de intentar asustar, leberanse das súas frustracións. Todo o número que vos montaron, ridículo e triste, débese a que o movemento nacional-popular galego vai pra diante. E a reacción, ademais de sentirse impotente, tén medo. Moitísimo medo.

Por M. HORTAS VILANOVA

Da sesión que se celebrou o día 20 pra aclarar os sucesos xa coñoces os resultados. Foi unha vergoña. UCD, CD, PSOE e UG xuntáronse todos, en unánime contubernio, pra botarlle terra ó asunto e afirmar e respaldar a actuación represiva do alcalde. Coido que non se pode sentir meirande despregio polo pobo e polos propios electores. Tam pouco se explica que un alcalde elixido democraticamente na práctica esteña aplicando, ó pé da letra, as lexis franquistas, que aínda están viventes. ¿Qué clase de democracia é ésta?

Periso volver por Monforte en breve. Xa pasarei por "Xistral". Daquela falaremos. Teño moito interés en ver as pinturas murais de Mourbe, que polo visto se están derramando. Tamén quero rubir o mosteiro de San Vicente do Pino. Polo visto, unha imaxe de Santa Ana, gótica, está sendo comida pola polilla. Non sei si o Felipe Senén coñece ou non esta imaxe singular.